

四庫全書

子部

欽定四庫全書

子部
海錄碎事卷五

詳校官中書臣李彤

侍讀臣孫球覆勘

總校官進士臣繆琪

校對官中書臣王瓊

謄錄監生臣陳煜

欽定四庫全書

海錄碎事卷五

宋 葉廷珪 撰

衣冠服用部

衣服門

龍具

漢書王章病卧牛衣中注云牛衣編亂麻為之今呼為

龍具

下裳

古詩綳綺為下裳紫綺為上襦

重繭

楚使遠子馮為令尹遂以疾辭重繭衣裘鮮食石
寢注繭綿衣左傳

淳制

周官壹其淳制淳廣狹也制長短也

促衿

謝靈運西射堂詩撫鏡華緇髮攬帶緩促衿言老瘦綰

其促衿

麗服

嵇康贈秀才入軍詩良馬既閑麗服有暉注麗服軍戎之服

衣化緇

京洛多風塵素衣化為緇言塵染衣黑也陸士衡詩

輕襟

涼飈自遠集輕襟隨風吹潘安仁詩

衡門衣

捨我衡門衣

張景陽詩

振衣

平明振衣坐重門猶未開

謝玄暉詩

衾服

王宏遣吏科檢婦人衾服女秩反蓋近身衣也

端委

端委漢書注禮衣也

石榴裙

金鈿正舞石榴裙

耿緯詩

弊貂裘

史記蘇秦說秦不用黑貂之裘弊

鵷鷺裘

司馬相如與文君還成都以所服鵷鷺裘就市貰酒西

京雜記

冰練

大婦裁霧縠中婦疊冰練古樂府

翠雲裘

諷賦主人之女翳承日之華披翠雲之裘被白縠之單衫
垂珠步搖來排臣戶

白縠衫

見上

腰褷

褷居業反裙也珠壓腰褷穩稱身

杜詩

池飾

池飾邊緣飾也左思云衣被皆垂重池蓋因其形如池
沼四周以名之

衣一稱

衣一稱尺證反衣裳單複相副曰稱

吉光裘

漢武時西國獻之入水不沉入火不焦

西京雜記

真珠裙

李賀二月詞徽帳逗煙生綠塵金翅蛾髻愁暮雲昏颺

起舞真珠裙

萬通衣

裴之高每誓云我得州刺史必作萬通衣後在潁川而遂其半

浮光裘

唐寶曆中南昌國獻浮光裘即紫海水所染以五色彩

戲成龍鳳觀者目眩

杜陽雜編

一襲

後漢大臣賜衣一襲注單複具曰襲

龍綃衣

龍綃衣一襲無一二兩元載以寵姬薛瑤英不勝重衣故求之外國

三褚衣

三褚衣漢文帝遺尉佗上褚二十衣中褚三十衣下褚五十衣注以緜裝衣曰褚上中下厚薄之差

濯墨

凡墨浣衣閉氣於水上作白字急濯之不過七遍墨跡
即淨廣陵官下記

黃盤鵬

國初以來賜翠毛錦長襖子太宗改賜黃盤鵬
事

魚子纈

魚子纈水波紗言衣服之美

楚製

叔孫通儒服漢王憎之乃變其服服短衣楚製

白鼈裘

吳書曰陸遜破曹休上大會命遜舞解所著白鼈子裘
賜之

鬱金裳

沈佺期詩盧家少婦鬱金裳

雲衣仙裙

齊王融謝賜裘啓雲衣降授仙裙曲委昔漢帝解裘不

復前寵曹王褫帶復降今恩

諸子

更始諸將皆冠幘而服婦人衣諸子繡襦諸子大掖衣也如婦人之袿衣襦其物反

光武紀

衣緋褱

刑部侍郎辛亶常衣緋褱俗云利於官高祖以爲厭勝將斬之趙綽力爭而免

含碧滋

五雲裘輕如松花落金粉濃似苔錦含碧滋李白詩

紫綺裘

李白翫月金陵城西孫楚酒樓達曙歌吹日晚乘醉著
紫綺裘烏紗巾與酒客數人棹歌秦淮往石頭訪崔回
侍郎

貂襜褕

披君貂襜褕對君白玉壺雪花酒上減頓覺夜寒無
李白詩

青毛錦

上元夫人詩裘披青毛錦身著赤霜袍

烏納裘

皮日休詩不知何事迎新歲烏納裘中一覺眠烏納裘
出王筠文

岑牟

楊文公詩襦狂無自屈岑牟漢書衡著岑牟單絞之服
注鼓角士冑也

羊腸裙

燉煌俗婦人作裙攣縮如羊腸用布一疋皇甫隆禁改

之
魏志倉慈傳注

麻臬貯衣

桂陽俗女不蠶以麻臬頭貯衣

裙衩

裙衩芙蓉小釵茸翡翠輕
李義山詩

臬著

語衣敝緼袍注敝敗也緼泉著也言以碎麻著裘也

二三尺衣

後漢劉昭論王子封建云職充論道未離保母之養續
侯賦政而服二三尺衣

魚文

並乘驥子兼服魚文注引象弭魚服蜀都賦

御袷衣

御袷衣袷衣無絮也 潘安仁秋興賦

襞積

美襞積以酷裂良曰重疊也衡曰衣縫也思玄賦

新衣翠粲

新衣翠粲鮮色也琴賦

輕紈縑

坐見輕紈縑劉休玄

被文裘

被文裘文旅之裘也七啓

被華袿

被文縠之華袿音圭婦人上服也 楚辭

阿縞衣

阿縞之衣齊之東阿出縞帛 李斯書

葛屨練裙

劉孝標見任昉諸子西華兄弟冬月著葛屨練裙莫有收卹於是作廣絕交論到漑見其文抵几於地

雲裘

大婦褰雲裘中婦卷羅幃少婦多妖豔花鈿繫石榴古

樂府

繫石榴見上

女工門 采色附

札札

纖纖濯素手札札弄機杼札札機杼聲也古詩

祭杼

以織女星之祥因祭機之杼以求工巧考工記注

針神

魏文帝美人薛靈芸善裁製號針神

四十五日

婦人同巷相從夜續女工一月得四十五日必相從者
所以省費燎火同巧拙而合習俗也注省燎火之費也
力召反前漢紀

流黃機

愁苦不窺鄰泣上流黃機

正色間色

案五方正色青赤白黑黃五方間色者綠為青之間紅為赤之間碧為白之間紫為黑之間流黃為黃之間故不用紅紫言是間色也所以為間者賴子嚴云東方木本色青木尅土土色黃以青加黃故為綠綠為東方之間色也又南方火火色赤以赤加白為紅紅為南方之間色又西方金金色白以青加白為碧碧為西方之間色又北方水水色黑以黑加赤為紫紫為北方之間色

又中央土土色黃以黃加黑為流黃流黃為中央之間色
又一法云木尅土戊以妹巳嫁甲是黃入於青故為綠
火尅金庚以妹辛嫁於丙是白入於赤為紅金尅木甲
以妹乙嫁於庚是青入於白為碧水尅火丙以妹丁嫁
於壬是赤入於黑為紫土尅水壬以妹癸嫁於戊是黑
入黃為流黃也 論語疏

竊黃

淺黃色也

竊藍

淺藍色也

繫絲

禮女子生能言教之繫絲女工

罽畫

墨客揮犀云罽畫今之生色也

冠冕門

白接罽

爾雅注鷺頭翅背上皆有長翰毛江東取為接羅名曰
白接羅

惠文冠

惠文冠張敞弟武為梁相云當以柱後惠文彈治之惠
文秦時法官冠

翼善冠

唐會要正觀中太宗服翼善冠

高冠

墨子曰昔齊桓公高冠博帶以治其國

鷩冠

鷩冠加雙鷩毛插兩邊鳥中之果勁者秦漢施之武人

唐志

鮮冠

楚莊王鮮冠組纓絳衣博袍以治其國

墨子

進德冠

唐會要正觀中貴臣服進德冠

鵠冠

鄭子臧好聚鵠冠鄭伯殺之君子曰服之不衷身之災也左傳

貂蟬

徐廣車服雜注云侍臣加貂蟬者取其清高飲露不食

鹿胎冠

褚載送道士詩鹿胎冠子水晶簪長嘯歌眠紫桂陰

纓玉璫

大兄珥金璫中兄纓玉蕤古樂府

夜光冠

漢武內傳曰上元夫人戴九星靈芝夜光之冠

爵弁

其弁色赤黑如爵

金璫

後漢朱穆傳璫以金為之當冠前附以金蟬也漢官儀云中常侍秦官也漢興或用士人銀璫左貂光武以後

專任宦者服以金

拒風

南齊永明中高麗使至服窮袴冠拒風曰此古之遺像也

側帽

隋獨孤信為秦州刺史因獵日暮入城風吹帽簷側及旦人爭側帽效之

綠幘

漢官奴蒼頭冠綠幘

貂璫右插

魏略曰散騎常侍比侍中貂璫右插

竹皮冠

高祖為亭長以竹皮為冠後所謂劉氏冠注今鵲尾冠是也

本紀

烏紗帽

齊豫章王嶷武帝所友愛駕幸其第許烏紗帽侍宴

左貂

魏略曰侍中服則左貂常侍服則右璫

金璫附蟬

漢侍中冠惠文冠加金璫附蟬為文貂尾為飾

玉葉冠

玉葉冠玉真公主有之人莫計其價

冠切雲

楚辭帶長鉞之陸離冠切雲之崔嵬

側注冠

秦制行人使者所服一曰高山冠

金顏

通天冠金博山蟬謂之金顏古今注

繁露

冕旒稱繁露言下垂如繁露之多也上

通天冠

秦制通天冠梁加冕于其上為平天冠

平天冠見上

冠幘綬帶

楊賜罷居拜太常詔賜所服冠幘綬帶

遠遊冠

遠遊冠秦採楚制漢因之天子五梁太子三梁諸侯王通服之

高山冠

秦滅齊獲其君冠制之形如通天冠一名側注冠以賜

近臣謁者

獬豸冠

秦滅楚獲其君冠賜御史以纚為展筭鐵為柱卷取其
不曲撓一名柱後惠文冠執法者服之或謂之獬豸冠

繁冠

繁冠亦名鷓鴣冠加雙鷓尾豎左右名鷓冠齊名繁冠
武職服之

方山冠

漢制似進賢冠以五采縠為之祠宗廟八佾四時五行樂人服之

却非冠

漢制宮殿門吏僕射等冠衣唐因之亭長門僕服之

却敵冠

却敵冠晉制衛士服之

文櫜武帳

江總華貂賦拜文櫜而影度陪武帳而香浮

大冠

東觀漢記武冠俗謂之大冠

危冠

長呼望青雲
白坐相看秋
顏入曉鏡壯
髮凋危冠李

白詩

芙蓉冠

桐柏真人著芙蓉冠

交輸冠

漢江充召見衣緞紗單衣曲裾後垂交輸冠蟬纁步搖之冠

冠纒

岌岌冠纒

魏都賦

星弁

郢酒泛水星弁側吳歆倚瑟黛蛾愁

楊文公詩

玄端章甫

玄端之衣章甫之冠

論語疏

鹿子皮

皮弁以鹿子皮為之弁形如今祭酒道士芙蓉冠而無
兩邊葉上

晞身布

齊必有明衣布謂沐時所著之衣浴竟身未乾燥未堪
著好衣又不可露體故用布為衣玉藻云君衣布以晞
身是也上

金貂頰頰

珥金貂之頰頰光也選秋興賦

戴勝

西王母冠其狀如戴勝思立賦注

冠岌岌

高余冠之岌岌長余佩之陸離楚辭

暖額附蟬

梁元帝謝東宮賡貂蟬啓東平紫貂之賜非聞暖額中

山黃金之錫豈曰附蟬

帶紳門

緩帶

樂飲過三爵緩帶傾庶羞曹子建詩

春帶賒

徒使春帶賒坐惜紅粧變賒緩也選謝玄暉詩

檄幃

檄專倭以慢惱兮檄又欲充夫佩幃檄音殺茱萸也幃

囊也楚辭

萬釘帶

楊素破突厥隋文帝賜萬釘寶帶

九釵帶

李德林修律令賜九釵金帶

九華帶

隋書帝王貴臣多服九華帶烏皮六合靴惟天子帶加十二釵以為差異

犀毗

班固與竇憲牋曰復賜固犀毗金頭帶此將軍所服也
鈎落帶

吳錄曰鈎落帶者革帶也世名金校帶孫權以賜陸遜
破曹休之功

玉梁帶

侯莫陳順破趙青雀等魏文帝解所服金鏤玉梁帶賜
之

衾枕門

通中枕

梅聖俞詩恨無玉枕名通中

芳松枕

劉向別錄有芳松枕

合歡被

古詩客從遠方來遺我一端綺文綵雙鴛鴦裁為合歡被

鄂君被

一作載

說苑鄂君乘青翰舟越人擁楫而歌曰今夕何夕牽舟
中流今日何日乃與子同舟鄂君乃以繡被覆之

一作車

百幅被

裴之橫常曰大丈夫富貴必作百幅被後為吳興太守
遂作焉

伏熊枕

韋庶人妹七姨嫁將軍馮太和為豹頭枕以辟邪白澤
枕以辟魅伏熊枕以宜男

支髮枕

支髮枕庾公所作蓋今俗山枕

魯直集

麝枕

置麝枕中可絕惡夢

物類相感志

柶榴枕

柶榴枕桂蠹香

溫庭筠

四男枕

標開七子共吐廉薑枕號四男更宜芳若

無患枕

卞敬宗有無患枕銘無患木名也百鬼所畏

龍頭枕

東宮故事曰太子納妃有漆龍頭支結枕

青縑被

後漢尚書郎下筆為詔策出言為詔命其入直官供青縑白綾被或以錦縑為之給帷帳通中枕太官供食物湯官供餅餌及五熟果實之屬五日一美食下天子一

等給指使一人女侍史二人皆選端正妖麗執香爐護衣服

玉彫鏤

緣樹轉燈珠錯落繡檀迴枕玉彫鏤李義山詩

印綬門

符節附

銀黃

黃金印銀綬是謂銀黃

前漢

山鵲印

張顥為梁相雨後有山鵲飛化為圓石破之得金印文
曰忠孝侯印

水蒼玉

大夫佩水蒼玉而緇組晉輿服志

雙龍符見太子門

傳龜

漢贊樊陰苗肩傳龜襲紫應劭漢官儀云公侯皆紫綬傳
龜

銀艾

張奐曰吾前後仕進十腰銀艾注銀印綠綬也以艾草
染之故曰艾

綬若若

漢書印何累累綬若若耶注云若若長貌

赤黻綬

王莽封孫賢等授以黃金印赤黻綬注黻以繫印綬者
系也音逆

銀章

晉置光祿大夫皆銀章青綬其重者加金章紫綬則謂之金紫光祿大夫而謂本光祿為銀青光祿大夫

龜鈕

孔愉嘗放龜溪中流左顧及愉封侯鑄印而龜左顧更鑄亦然

隨身魚

唐高宗詔文武四品五品並給隨身魚

銀魚

唐咸亨三年賜五品以上新魚袋並飾以銀

朱組

若得辭遠遊戴武弁解朱組佩青紱陳思王欲辭侯爵從事軍戎故云

青綈綬

綈青紫色音瓜東郭先生拜二千石佩青綈史記

駢組

蔡邕云合從者駢組流離注駢並組綬也

印囊

耿緯留別上元主簿暮鏤印囊呼小吏朝垂綬帶遠迎客

魚契

魚契魚符也

半章印

十三州志有秩嗇夫得假半章印

鵠銜綬帶

唐貞元制節度使鵠銜綬帶

青龍符

隋開皇中頒青龍符於東方刺史西方以騶虞南方以朱雀北方以玄武中頒銀兔符於諸郡武德中改銅符印綬易餅

魏略太祖喟丁斐曰印綬何在曰易餅耳

借紫

武后朝武攸寧借紫衫金帶通典

借緋

開元八年勅都督刺史秩卑者借緋及魚帶

六合大同印

肅宗在靈武鑄印徵兵文曰六合大同印鄴侯家傳

兔魚龜符

唐初為銀兔符以兔為瑞也又有銅魚符以鯉為瑞也
武后以玄武為姓瑞乃以銅為龜符焉朝野僉載

雙龍符

六典云傳符之制太子監國曰雙龍之符左右各十左
進內右付外

魚書

大厯十二年詔准式諸州刺史替及別遣皆降魚書然
後離任

白艾綬

焦貢易林曰二千石官白艾綬也

金纓組履

張衡綬笥銘金纓組履文章日信

銀菟符

唐高祖四年停竹使符頒銀菟符於諸郡

懷金印

蔡澤懷金印結紫綬於腰言其足矣

懷銀黃

楊僕懷銀黃垂三組夸鄉里注銀銀印也黃金印也僕

為主爵都尉又拜樓船將軍并將梁侯三印故云三組也漢書

竹使符

漢文帝初與郡守為銅虎符竹使符應劭云銅虎符第一至第五國家當發兵遣使者至郡合符符合乃受之竹使符皆以竹箭五枝長五寸鐫刻漢書第一至第五張宴曰以代古之圭璋從簡易也師古曰與郡守為符者各分一半右留京師左以與之

銅虎符見上

玉麟符

隋煬帝幸遼東命樊子蓋為東都留守別造玉麟符以代銅虎六典云傳符之制京都留守曰麟符

改璽為寶

唐長壽二年改玉璽為寶曰皇帝信寶天子信寶之類

金玉印

三代之制人臣皆得以金玉為印龍虎鈕唯所好也秦

以印稱璽以玉不通臣下用

龍虎鈕見上

神璽

後周皇帝八璽有神璽有傳國璽皆寶而不用

鴨頭印

孫皓造金璽六枚又有龜龍麟鳳璽駝馬鴨頭雜印

尺一板

凡天子璽皆以武都紫泥封青囊白素裏兩端無縫尺

一板中約署

後漢志

綠綬綬

漢制相國綠綬徐廣云金印綠綬綬音戾草名也以染似綠又云似染

金章朱綬

宋制郡公金章玄朱綬

纁朱綬

諸王金璽纁朱綬

瑜玉

宋皇子金璽龜鈕朱綬佩瑜玉

山玄玉

自諸王三公大將軍凡將軍位從公者皆佩山玄玉宋制也

千里印

情知一丘趣不謝千里印李賀詩

墨綬

漢成帝時縣令墨綬南史宋諸縣署令銅印墨綬

連璽

連璽曜前庭比之猶浮雲璽印也選詩左太冲

左銅魚

使君四十四兩佩左銅魚杜牧之詩

白銀章

朱紱白銀章上官佐鄱陽李白詩

環佩門

鳴和

羽旗栖瓊鑾玉衡鳴吐和古樂府

琥珀龍

幄中清酒瑤瑤鍾席邊雜佩琥珀龍古樂府

左佩華

王以左佩之華賜七萃之士穆天子傳

佩參參

脩初服之娑娑長余佩之參參思玄賦

紉蘭佩

紉秋蘭以為佩楚辭

佩陸離

高余冠之岌岌長余佩之陸離參差之貌上

解佩纓

解佩纓以結言上

惠纓

惠纓佩帶也思羊反上

戶服艾

戶服艾以盈腰兮謂幽蘭不可佩上

鵝肪

鵝毳翔衣帶鵝肪截珮璜韓孟城南聯句詩

笏門

簿

秦必以簿擊煩注簿手版也晉輿服志

魚鬚笏

往還誰是龍頭人公主遣乘魚鬚笏李賀

手版

晉輿服志古者貴賤皆執笏主書君上之教令後代唯八座執笏其餘卿士但執手版示非記事官也

笏囊

唐故事搢笏于帶而乘馬張九齡體羸使人持之因置笏囊

賜笏

唐大中中詔出故文貞公笏歸其孫丞相諱孫樵為之
銘

履舄門

貢公綦

案無蕭氏牘庭無貢公綦綦行迹也蕭來王貢文人事

選張景陽

金華舄

金華之舄動趾遺光注以金為華而飾之

七啓

筍鞋

斫樹遺桑斧澆花濕筍鞋

張祐

麻鞋

中華古今注伊尹以草為之謂之草履周文王用麻為之名曰麻鞋

不借

絲作者謂之履麻作者謂之不借

開元傳信記

登山屐

謝康樂在會稽登山陟嶺常着木屐上則去前齒下則去後齒

綠絲屨

齊東昏侯宮人皆作綠絲屨

鳳舄

七夕王母降履玄瓊文鳳之舄漢武故事

解脫履

單底曰履重底曰舄晉永嘉中為伏鳩鳳頭履梁武帝

以絲為之名解脫履

珠纂

珠纂趨北閣玳席徙南榮

湘東王詩

鴝頭襪

履上足如霜不著鴝頭襪

李白詩

金齒履

一雙金齒履兩足白如霜上

履躡華英

履躡華英華英光輝也

南都賦

釵珥門

約金環

攘袖見素手皓臂約金環

古樂府

金雀翹

金雀垂藻翹

羅敷艷歌

雙翹

揚翠羽之雙翹

七啓

明璫

無微情以效愛獻江南之明璫耳珠也

洛神賦

宛珠

宛珠之簪於元切以宛珠飾簪也

李斯書

鈿函

東宮故事太子納妃有步搖一具九鈿函盛之

鞭七寶釵

又有誦相如大人賦者曰吾初學時為趙昭儀抽七寶

釵鞭予痛實不徹今日誦得還是終身一藝名

幽怪錄

金鈿

金花曰鈿音田亦音向

百英粉

趙后浴五蘊七香湯踞通沉水香坐燎降神百蘊香昭
儀浴苴菴湯傅露華百英粉帝嘗私語樊嬖曰后雖有
異香不如昭儀體自香也

飛燕外傳

九鸞釵

趙后手抽紫玉九雛釵為趙昭儀簪髻上

義髻

妃常以假髻為首飾而好服黃裙天寶末京師謠曰義髻拋河裏黃裙逐水流

臙脂

起自紂以紅藍花汁凝作脂以為桃花粧蓋燕國所出故曰燕脂 二儀錄

燕釵

洞冥記漢成帝得白燕玉釵以賜趙婕妤至昭帝時宮人見此釵謀碎之明日視匣中見白燕升天而去

玉簪搔頭

西京雜記漢武帝李夫人取玉簪搔頭自此宮中皆用玉簪

虎魄釧

東昏侯為潘妃作一隻直七十萬

釵梁

庾信蕩子賦佩珠翠的釵梁粟填

雪丹

二儀錄秦穆公弄玉感蕭史降于宮掖與穆公煉雪丹
第一轉與弄玉塗之名曰粉今水銀粉

飛仙髻

漢武帝時王母降諸仙髻皆異人間帝令宮中效之號
飛仙髻炙轂子

三珠釵

後漢崔瑗三珠釵銘曰元正上日百福孔靈鬢髮如雲乃象衆星三珠璜釵攝媛讚靈

四枝鬟

四枝鬟上插通犀

段成式詩

男錢

詐嫌嚙具磨衣鈍私帶男錢壓鬢低

上

香纓

香纓以五彩為之婦參舅姑先持香纓浴之

三角髻

上元許夫人偏得王母嬌嗔峨三角髻餘髮散垂腰

簷步搖

烏桓俗婦人首著勾決飾以金碧猶中國有簷步搖也
注簷或作幘古陌反釋名云皇后首飾上有垂珠步則
搖也

驅環

戚姬以百鍊金為驅環照見指骨

翡翠翹

李義山詩吳市蠙蜃甲已實翡翠翹他時未知意重疊

贈嬌嬈一作妖

蠙蜃甲見上

釵上燕

多羞釵上燕真愧鏡中鸞李義山詩

釵上鳳

為問翠釵釵上鳳不知香頸為誰迴上

生菜樣

白樂天蘇家女子簡簡吟玲瓏雲髻生菜樣飄飄風袖
薔薇香

金雀釵

頭上金雀釵腰佩翠琅玕李義山詩

翠琅玕見上

戴金搖

戴金搖之熠燿

七啓

墮馬鬟

扇掩將雛曲釵承墮馬鬟姚元崇應制詩

銅鼓釵

南蠻鑄銅為大鼓初成懸於庭置酒以招同類富女子以金銀為大釵叩鼓因而名之曰銅鼓釵

舟門

越舩郎

皮日休酬魯望惠魚詩云何事貺君偏得所只緣同是

越舡郎舡渠恭切小舟也

青翰舟

皮日休太湖詩云好放青翰舟堪弄白玉笛

欸乃

音襖靄棹船相應聲見元次山集柳子厚詩云欸乃一聲山水綠

孝廉船

劉惔真長為丹陽尹張憑長宗詣惔惔留宿明日還船

須臾煖出傳呼覓張孝廉船

榜人

榜人理行艚舟人也

謝宣遠詩

輕橈

日落泛澄瀛星羅游輕橈

音饒選謝靈運詩

藻舟

車駕幸京口神御出瑤軫天儀降藻舟

藻舟畫船也顏

延年詩

千翼

萬軸肩行衛千翼泛飛浮注千翼千艘也上

叩棹

叩棹新秋月臨流別友生陶淵明詩

挂帆

剖竹守滄海挂帆過舊山謝靈運詩

歸舟

天際識歸舟雲中辨江樹謝玄暉詩

桂擢蘭棹

桂擢蘭棹棹羽例反楚辭

荃橈

采荃橈兮蘭旗荃七全反橈而遥反九歌

吳榜

齊吳榜以擊汰汰音太波也九章

浮三翼

舟也越人有大翼中翼小翼船七命

歸艗

候歸艗於春渚

選吳李重茂

門匠

三門篙工謂之門匠
陝人云自古無門匠墓言皆沉死也

細槳

陸龜蒙詩細槳輕船買石歸

靈鵑舟

王子年拾遺記帝乘衝瀾靈鵠之舟以香金為鉤霜絲
為綸丹鯉為餌釣于臺下得白鰲焉

擢女

劉孝綽望水詩榜人夜理楫擢女暗成裝

鏡中行

陳釋慧曇水詩舟如空裏泛人似鏡中行

露橈船

岑彭吳漢傳言露橈船注櫂在船外人在舟中也

下瀨

及向扁舟泊還尋下瀨歸林逋詩

歸橈

歸橈有餘興寧復比山陰上

一檣

杜若萋萋天似水一檣風信快吟懷上

一棹

猶賴書千卷長隨一棹行張祐詩

小舠

秋歸值小舠上

海師

海船上篙工也

錦花飛

張正見泛舟橫大江云大江修且濶揚舠度迴磯波中
畫鷁涌帆上錦花飛舟移停浦月擢舉濕春衣

犀棹蘭橈

犀棹蘭橈翠羽蓋

兩板船

韓偓贈李處士兩板船頭濁酒壺七絲琴畔白髭鬚

鬱金櫂

武遊郎者言昔見漢武帝乘鬱金櫂泛積翠池自吹簫

玉笛

滕艫

音蒙童又音衝戰船也

樣舟

義倚儀奇二切漢書曰烏江亭長樣舟待項羽應劭曰
正也孟康曰附也

海鷗舟

海鷗舟輕捷之稱

單棹

單棹橫疎雨江灘秋泊時
薛榮詩

飛閭

船首謂之閤今江東呼船屋頭為飛閤開元傳信記

一橈青翰

山下花明水上暎一橈青翰破霞文陸龜蒙詩

浮家泛宅

張志和舟敝漏顏真卿欲更之張曰願為浮家泛宅往

來茗雪間唐書

兩潮船

懷潤州僧鐵甕猶歸三月寺銅瓶輕挂兩潮船林逋詩

含煙舟

洞冥記漢宮含煙舟以木蘭文杏為櫓

杏櫓

見上

掇月舟

龍蚪池有掇月舟

布帆無恙

顧愷之為殷仲堪叅軍嘗因假還以布帆借之至破冢
遭風大敗愷之與仲堪賤曰地名破冢真破冢而出行

人安穩布帆無恙

美滿風

千帆美滿風杜牧之

健帆開

烏林芳草遠赤壁健帆開杜牧之

旅艍

澤國旅艍衝雨黑都門祖廟照堤紅送元厚之歸吳中

王禹玉

檣馬

越王勾踐曰越人以船為車以檣為馬

浮環

傳云中流失船一壺千金乃今所謂浮環也遯齋閒覽
腰舟也

蜂舟

拾遺記武王伐紂有蜂如丹鳥集於舟因以繪旗其舟
曰蜂舟

檣颿

王禹玉秋風詩海國檣颿壯邊城鼓角雄

黃篋

煬帝幸江都五品以上給樓船九品以上黃篋

凌風舸

隋處士元藏機泛海遇風載至一洲島人曰此乃滄洲
忽思中國洲人製凌風舸送之旬日至東萊

水生風熟

水生風熟布帆新
熊儒登詩

佐刺船

陳平去楚間行仗劍亡度河船人疑其亡將腰下當有
寶器金玉平恐乃解衣羸而佐刺船

峭帆人

白浪如山那可渡
狂風愁殺峭帆人
李白詩

挂席

挂席渡滄海上

孤蓬征

一身竟無托遠與孤蓬征上

搖艇

搖艇入新安上

天上座

人疑天上座樓船水淨霞明兩重綺上

鵝鵝鳴

大舶夾雙櫓中流鵝鵝鳴上

棹歌聲

滿書羈孤意遠寄棹歌聲上

北船緩

南船正東風北船來自緩上

謝眺舟

高人屢解陳蕃榻過客難登謝眺舟上

緩棹

佳境宜緩棹清輝能留客上

遊吳棹

再動遊吳棹還浮入海船上

無倪舟

一乘無倪舟八極縱遠杙上

滄浪杙

登艫望遠水忽見滄浪杙上

緩歸橈

此時殊訪戴自可緩歸橈上

齊橈樂

船上齊橈樂湖心泛月歸上

進帆

進帆天門山迴首牛渚沒上

蕩舟劇

吳兒多白皙好為蕩舟劇上

篙工楫師

篙工楫師選自閩禺

浪棧見隱逸門

帶明月

暮角起城頭歸橈帶明月 歐陽永叔詩

船舳

方言江湖大船曰舸小船曰舠音又小舠曰舳音昌
宿小舳舳曰艇艇長而薄曰舠音帶短而深曰舠音步
小而深曰舠音

櫂女謳

權女謳鼓吹震

西都賦

舟牧

文選注主舟官也禮記曰舟牧覆舟

西京賦

艘女

齊艘女縱權歌

上

船容裔

船容裔注船行貌

南都賦

浮文鵲

浮文鷁畫鷁于船首也

子虛賦

收風

屏翳收風川后靜波

洛神賦

騰文魚

騰文魚以警乘注文魚有翅能飛

洛神賦

薄枉渚

弭棹薄枉渚曲渚也

謝靈運詩

發棹歌

簫鼓鳴兮發棹歌

漢武帝詞

舟輕颺

舟遙遙以輕颺

歸去來辭

御青翰

龍文飾轡青翰在御說苑鄂君乘青翰之舟

船為脚

贈監官主人出路船為脚供官本是奴
施肩吾詩

峭帆

峭帆橫渡官橋柳疊鼓驚飛海岸鷗楊億詩

烏榜江船

烏榜江船早滿湖

螭頭舫

映山黃帽螭頭舫

獨木船

蜀記昔夏禹欲造獨木船知梓潼縣尼陳山有梓木徑一丈二寸令匠者伐之樹神為童子不伏禹責而伐之

羽楫

羽楫萬計言舟楫之疾也 國語

一櫂

王朗兵敗浮海與老母共乘一櫂船也

車門

步挽車

北齊後魏大臣老者多給步挽車

劇駢

爾雅七達謂之劇驂言車馬多也

輶車

古軍車也一馬曰輶車二馬曰輶傳唐本傳

追鋒車

追鋒車如輶車蓋取其迅速也施於戎陣之間是謂傳
乘

大使車

晉志大使車立乘駕四小使車不立乘駕四輕車之流

也

小使車

見上

輕車

輜軒輕車也

晉志

朱班輪

凡諸使車皆朱班輪赤衡輓上

朱軒

朱軒曜金城注公卿車也

選詩

蓄軫

蓄軫豈明懋善游皆聖仙言蓄車不行豈明德勉厲之
君善為巡游者皆是聖智靈仙之主

顏延年詩

金駕

金駕映松山上

歸軫

發軌喪夷易歸軫懼崎傾言始既失平易之道今如車
之將歸宜慎崎傾之險也

顏延年詩

飛駕

惆悵瞻飛駕引領望歸旆陸士衡詩

乘攄

歸雲乘攄浮淒風尋惟入車網也許偃切潘正叔詩

銅輦

撫劍遵銅輦振纓盡祇肅銅輦太子車也陸士衡詩

徂兩

擾擾整容裝肅肅戒徂兩徂往也兩車也謝玄暉詩

玉軒

都人驂玉軒叔向曰絳之富商而能金玉其車陸士衡詩

倚結軫

倚結軫兮太息涕潺湲兮霑軾車檣木也楚辭

宛虹

垂宛虹之長綏於元反七啓

紫軼

青精翼紫軟黃旗映朱郎青精星也紫軟天子車謝玄

暉詩

三望車

沈慶之既貴給三望車慶之謂人曰我每遊履田園有
人時與馬成三無人日與馬成二今乘此安之遂固讓
三望車三公所乘也

薄笨車

見儉門

蜀輪

蘇許公送金城公主詩云帝女出天津和戎轉屬輪

五雲車

庾信步虛詞云東明九芝蓋北燭五雲車

排月

玉鑾乃排月瑤輶信陵空選詩

棧車

劉孝威行幸甘泉宮歌云棧車鳴里鼓駟馬駕相風

腰輿

腰輿以手挽之別於肩輿決疑要錄

蒲輪車

史記曰封禪為蒲輪車惡傷土石草木

揮車

揮車釣車也

七香車

魏武帝與楊彪書今贈足下畫輪四望七香車一乘士

今注

車轄鐵盡

越裳來貢忘其歸途周公與指南車及到車轄鐵皆盡
古今注

飛車

奇肱之民能為飛車從風遠行至於豫州歸則別給不
以示人 洞冥記

白鸞車

道經太真丈人登白鸞之車

毛車

異國入貢乘毛車甚快拾遺記

玉錦輪

紫元夫人歌云命駕玉錦輪真誥

飛輪車

東海君乘獨飈飛輪車按行諸洞天真誥

鈿車

銀鞞駉褭嘶宛馬繡鞅璉瓏走鈿車杜牧詩

軒朱

鳴琴竽瑟會軒朱注即朱軒也李賀詩

油壁車

蘇小歌油壁車久相待上

彫幾

禮記車不彫幾器不刻鏤注彫畫也几附漆爲沂鄂也

沂魚巾切鄂如字

鷄栖車

獨乘鷄栖車自覺無風調

輜輶車

漢昭帝崩霍光奏遣太僕以輜輶車迎曾孫為帝是為

宣帝

赤衡輶

凡諸使車皆朱班輪赤衡輶

巢車

陳勝攻陳守令皆不在獨守丞與戰譙門中注譙門謂

門上為高樓以望耳樓一名譙故謂美廬之樓為麗譙譙亦呼為巢所謂巢車者亦於兵車之上為樓以望敵也譙巢聲相近本一物也

平肩輿

時乘平肩輿出入畏人知李白

金根車

秦因金根車用金為飾謂金根車而為帝軫立旗竿旂以從水德光武以擬周之玉輅最尊者也

闕猪車

漢制獵車曰闕猪車魏改名闕虎車晉曰闕戟車

闕戟車見上

繆龍

漢置安車立車各五乘為乘輿副車金薄繆龍為輿倚較文虎伏軾龍首銜軛繆交也

旗斜注

晉制謂安車立車為五帝車龍旗十二旂立車則正豎

其旗安車則斜注

黃屋左纛

漢制副車黃屋左纛如金根之制行則從後左纛者以
犂牛尾之在左駢馬軛上大如斗

五牛旗車

梁因晉制五牛旗車左赤青右白黑黃居其中象古五
時副車也

輕車

漢因周制有輕車朱輪輿不巾不蓋建矛戟幢麾輶輒
弩輶

鑾輅

唐武德初著令天子鑾輅王金象革木五等屬車十乘
指南車記里鼓車白鷺車鸞旗車辟惡車皮軒車耕耜
車安車四望羊車貞觀元年十一月始加黃鉞車豹尾
車通為十二乘以為儀仗之用

屬車十乘

見上

辟惡車

辟惡車秦制也桃弓葦矢所以禳祓不祥

耕根車

漢制有三蓋一曰芝車置轡耒耜之簾上親耕則乘一

名三蓋車

芝車

見上

三蓋車

同上

安車

安車周制致仕之老及后乘之

四望車

齊制通幃油幢斑漆輪轂亦曰皂輪以加貴臣

羊車

晉制一名輦隋時駕下馬其大如羊

象車

晉武平吳南越獻馴象作大車駕之以試橋道

豹尾車

漢制屬車最後一乘也懸豹尾以前比之省中

記里鼓車

晉安帝時劉裕滅秦得之有木人執槌向鼓行一里則打一槌

大章車

崔豹古今注記里鼓車亦名大章車

駕輅

漢皇后駕輅青羽蓋駕四馬旆九旂

紫罽車

後魏熙平中蘇紹議皇后之輅歸寧則御紫罽車

追鋒車

追鋒車去小蓋加通幔以迅速為名如輅車也

犢車

犢車則魏武賜楊彪七香車也

夾望車

晉制位至公或四望三望夾望車

折轅車

漁陽太守張堪在蜀仁以惠下威能討姦去職之日乘

折轅車

小輿

齊制小輿如輅車小行幸則乘之

臥輦

臥輦齊制也

鹿輜輅

梁制三公開府尚書令給之

鳳轄軺

尚書僕射中書監秘書監給之

聊泥軺

尚書列卿等給之

龍雀軺

諸王除刺史帶將軍給之

方蓋軺

中丞給之

朱兩轡

二千石皂蓋朱兩轡千石六百石朱左轡

右移

巾車命駕迴旆右移注曰車右轉將旋也

西京賦

車挂轄

音衛

車挂轄人駕肩

蕪城賦

輕軒

太夫人乃御板輿升輕軒間居賦

文軒

披文軒而騁望

鮮車

鮮車騫華轂

駕飛軫音零

駕飛軫之輿輕車也

巾車

歸去來辭或命中車或棹孤舟注巾飾也孔叢子曰巾車命駕將適唐都

薄板車

老子乘青牛薄板車出關

如秦立至

如秦者立而至有車也適越者坐而至有舟也

旌旗門

雲旗

雲旗興暮節注畫雲飾旗也選詩

鑾旌

鑾旌歷頽寢注車駕旌旗也謝宣遠

飛髻

漢書曳長庚之飛髻所交切旌旗所垂羽毛也

楚雲虹

行幸歌銅鳴周國鉞旗曳楚雲虹選詩

常重光

旗魚須常重光注日月為常故曰重光謂日月畫於旂

上吳都賦

建祀姑

坐組甲建祀姑注祀姑幡名也上

螯弧

左傳潁考叔取鄭伯之旗螯弧以先登注螯弧旗名

旗魚須

旗魚須輶駟駟吳都賦

翠鳳旗

翠鳳旗以翠羽為鳳形

旗心綠字

旗心展綠字樓影轉繒花李相侍宴

巾櫛門

白綸巾

謝萬著白綸巾鶴氅裘

半頭幘

後漢注半頭幘卽空頂幘也其上無屋續漢書童子幘
無屋示未成人未入學小童幘勾卷屋者示尚幼小未
遠冒也

辟塵巾

辟塵巾出雜俎又有辟塵簪

納言幘

尚書幘收三寸名曰納言幘示以忠正明近職也

空頂幘

梁制未加元服則空頂幘

折上巾

郭林宗遇雨露巾角折後周武帝因制折上巾

葛巾

東晉制國子生見祭酒博士冠葛巾

角巾

薛平年至請告角巾東洛人甚高之

幅巾

後漢末三公名士以幅巾為雅袁紹戰敗幅巾渡河

承露

六國時趙魏之間通謂巾為承露用全幅向後幘髮謂之頭巾俗人謂之幘頭

頭巾

幘頭 同見上

冒絮

周勃下獄薄昭為言薄太后文帝朝太后以冒絮提文

帝注提擲也巴蜀異志謂頭上巾為冒絮

單裏烏紗巾

單裏烏紗巾倒披紫綺裘

李白詩

方頭巾

李白嘲魯儒詩足著遠遊履首戴方頭巾

虎文巾

虎文巾在絳霄房皮日休紗巾詩

瑇瑁櫛

漢制皇后簪以瑇瑁為櫛公卿二千石列侯夫人魚須櫛長一尺為簪珥

魚須櫛

見上

許公柏

雲定興謂宇文述曰入內宿衛必當耳冷乃為述製袂頭巾令深柏耳時人學之名為許公柏勢許公述封爵也

巾幘鮮明

侍者蠶媚巾幘鮮明南都賦

鹿耳巾

劉商鹿耳巾歌趙侯首帶鹿耳巾規模出自陶弘景

几杖門

積竹杖

漢昌邑王買積竹杖注合竹為杖也

靈壽杖

漢平帝賜孔光靈壽杖顏師古云靈壽木似竹有節長

不過八九尺圍三四寸自然合杖制不須削治也

金策

送人遊天台石梁高絕赤城深影落滄溟幾萬尋金策

若迴聊為說慰予終老愛山心

林逋詩

延年杖

魏文帝賜漢太尉楊彪延年杖

扶老

叩竹可為杖礪砢不凡為之扶老

出談助

九節杖

王遙遇雨使弟子以九節杖擔簏不霑濕神仙傳

蝦鬚杖

海中有大蝦鬚可為杖長丈餘嶺表異錄

苔花

玉榦一尋餘苔花錦不如盧綸斑竹杖詩

步挽几

道武賜元纂步挽几以優異之

猢猻藤

僧伽歌瓶裏十年舍利骨手中萬歲猢猻藤 李白

扇門

合歡扇

新裂齊紈素鮮潔如霜雪裁成合歡扇團圓似明月選
怨歌行

機中素

紈扇如圓月出自機中素江文通古離別

女乘鸞

畫作秦王女乘鸞向煙霧

班婕妤

團扇

晉中書令王珉好捉白團扇其侍人謝芳姿歌之因以
為名

離扇

庾肩吾詩拂匣看離扇開箱見別衣

圓紗

見歌舞門

七輪扇

劉孝威行幸甘泉宮歌輦迴百子閣扇動七輪風

五明扇

盧思美女篇時搖五明扇聊駐七香車古今注舜廣開
視聽求賢人以自輔作五明扇漢公卿皆用之魏晉非
乘輿不得用鄴中記石季龍作五明雲母扇

遺紈扇

朱買臣為會稽太守懷章綬至舍亭人不知也所知錢

勃見其暴露乃勞之曰得無罷乎遺以紉扇買臣至郡
引為上客 西京雜記

鵲扇

昭王時外國獻丹鵲拾其脫羽以為扇甚奇麗名為鵲
扇 拾遺記

便面

張敞罷朝會過走馬章臺街使御史驅自以便面拊馬
便面所以障面自便亦曰屏面

屏面見上

鵲翅扇

拾遺記周昭王取鵲翅為扇一名施風一名條融一名反

影

同心扇

東宮故事太子納妃供同心扇

蟬翼扇

古今注漢成帝賜飛燕五明扇七華扇雲母扇翟扇蟬

翼扇

揚仁風

袁宏為東陽守謝安授以扇荅曰即當奉揚仁風以慰
黎庶

檀席門 牀簾附

桃笙

宋魏之間方言謂簾為笙梁簡文謝簾書云未若五籬
九折出桃笙之翠筍

象簞

王隱晉書車永為廣州其子溢多使工作象牙細簞

珍簞

珍簞清夏室輕扇動涼颼楚緇切

謝玄暉

塵榻

賓至下塵榻憂來命綠尊古詩几榻委塵埃

沈休文

雙文簞

王縉詩云玉枕雙文簞金盤五色瓜

冰簟

吳融詩露牀冰簟落秋河

脚婆

脚婆暖足器山谷有二詩

氍毹

氍毹毛席音瞿輸亦作毹毹

流黃簟

晉稽獻竹簟號流黃簟

疎霜

李賀六月詞裁生羅伐湘竹帔拂疎霜簾秋玉炎炎紅
鏡東方開暈如車輪上徘徊啾啾赤帝騎龍來

簾秋玉

見上

花簾

李賀七月詞僅厭舞衫薄稍知花簾寒

鬼吹

康真人氣訣云牀席須厚軟脚稍令高真誥云牀高三

尺即鬼吹不及矣蓋因地氣以吹之而為崇矣

犀簾

洞冥記吠勒國貢文犀織以為簾

鳳窠斜

御牋銀沫冷長簾鳳窠斜李賀詩

織成金簾

庾肩吾謝銅筆硯格西域蕃人臥織成之金簾游仙童
子隱芙蓉之行幢

金簾

侯君集破高昌得之

蛩毡

瑶席夏冷蛩毡冬煖

沈佺期七引

辟荔席

靡辟荔而為席折瓊枝以為芳

甘泉賦

單席

周禮注衽席單席也

裊裊門

雲裊裊

武夷記真君殿中鋪雲裊裊

冰蠶錦

康老子常買一舊錦裊有波斯人見之乃曰此冰蠶絲錦
暑日陳于座則滿室清涼

樂府雜錄

簾幙門

屏帳幔附

甲乙帳

漢武故事云上以琉璃珠玉明月夜光雜錯天下珍寶
為甲帳次為乙帳甲以居神乙以自居

蚊幃

崔祖思啓陳政事曰宋武帝節儉張妃房唯碧綃蚊幃

單帳

韻略幃單帳也

冰綃

李義山詩水精帷箔卷冰綃

隔坐屏

吳錄景帝時紀亮為尚書令子騰為中書令每朝會詔以御屏風隔其坐

清防

踟躕清防密徙倚恒漏窮注清防屏風也顏延年詩

華幔

光燈吐曜華幔長舒選嵇叔夜詩

延秋月

玉宇來清風羅帳延秋月

劉休玄詩

青廬

北朝臥禮青布幔為屋謂之青廬

流蘇帳

珠扇玳瑁牀綺席流蘇帳

古樂府

密帳溫暝

密帳真珠絡溫暝翡翠裝

李義山詩

么幄

小次也

蛟綃

路巖資產不知紀極有蛟綃一頂如碧煙輕密人以爲

蛟綃

中朝政事

五王帳

玄宗友愛於殿中設五帳與諸王更處其中謂之五王帳

夜明簾

夜明簾雞林郡所進張說得之書生取進九公主以解

難

薇帳

李賀二月詞薇帳
逗煙生綠塵
金翅裁髻愁暮雲
香殿起舞舞真珠裙

金鷺屏風

金鷺屏風蜀山夢
鸞裙鳳帶行煙重
李賀詩

玳瑁簾押

漢武帝故事上起神屋以真珠為簾玳瑁押之

雲幕

歸藏啓筮曰昔者女媧坐張雲幕

青油幕

梁宣武王子韶為郢州坐青油幕見庾信

龜甲屏

漢武起神明臺臺上設金牀象席雜玉為龜甲屏

洞冥

記

却寒簾

咸通中同昌公主下降寶貨之盛無以為比其異者有
金菱銀粟連珠帳却寒簾犀簾牙席蠲忿犀如意玉九
鸞釵辟邪香之類杜陽編

翡翠帷帳

翡翠帷帳 宋王招魂

小帳

小帳曰斗帳形如覆斗

蒲帳

相如曰黼帳高張

藻帳

曹植曰藻帳垂陰

緹幕

李白鴨欄驛贈崔侍御臨驛卷緹幕升堂接繡衣

飛仙帳

東昏侯為徐妃作飛仙帳四面

青油幢

晉輿服志青油幢諸王三公有勲德者特加之

帷裳

帷裳謂帷幔之屬也論語疏

流蘇

倦游錄流蘇者乃盤線繒繡之毬五色錯為之同心而下垂者是也

連珠

見却寒簾門

毳帳禦風

韋幃毳幕以禦風雨 李陵書

緹帷帟幙

緹帷宿置帟幙宵懸 王元長詩序

簾旌

朱延齡詩飛絮觸簾旌

鞭蓋門

九子珂

唐制馬珂一品以下九子四品七子五品五子

坐羈

蘇秦先貴張儀來謁坐於馬羈而食之

塵外鑣

昔聞汶水游今見塵外鑣鑣銜也謝靈運從宋高祖上

北固樓作

方驥

方驥齊鑣比迹同塵注方並也陸士衡

駢服

安得攜手俱契闊成駢服言駢服之馬常相隨也音非
陸機贈弟詩

驚蓬

身騎征馬逐驚蓬

李商隱詩

皂蓋

中二千石二千石皆皂蓋朱兩輪

飛蓋

清夜遊西園飛蓋相追隨

曹子建詩

金羈

古樂府白馬篇白馬飾金羈連翩西北馳

金絡頭

駿馬金絡頭錦帶佩吳鉤鮑明遠詩

飛鞚

獸肥春草短飛鞚越平陸選詩

浮驂

回流有急瀾浮驂無緩轍謝靈運詩

長轡遠御

長轡遠御妙略潛授謂司馬宣王孫子荆書

金鍍

馬融賦揚金鍍而拖玉環蔡邕獨斷云金鍍者馬冠也
無犯反一音子公反環馬帶以玉飾之音

長梢鞭

前秦錄苻堅時關中謠云長梢馬鞭擊左股太歲南行
當復虜

鏤衢鞍

三輔決錄云平陵孫奮富聞京師梁冀遺一鏤衢鞍從
貸五十萬

九芝蓋

庾信步虛詞云東明九芝蓋北燭五雲車

三素轡

左迴三素轡右搖八景輪選詩

垂鞶

無人見惆悵垂鞚入煙蘿

耿緯詩

金絡腦

蹀躞馬搖金絡腦
嬋娟人墜玉搔頭

褚載詩

青絲轡

江攄暫解青絲轡
行歌鏤衢鞍
又徐陵瑀鞍石鏤衢鏤

衢出晉書

青絲鞵

古樂府宛轉青絲鞵
照耀珊瑚鞭

元帝紫駟馬

蹋馬

何偃乘車在前劉瑀蹋馬及之

小蓋

後漢令興字君陵為黃門侍郎尚持小蓋鄣翳風雨

百獸羈

安樂公主令尚方採百獸毛為羈回視之各見本獸形

連珂

連珂來訪紫芝仙 王禹玉詩

白金絡

梁簡文詩晨風白金絡桃花紫玉珂

犀羈

劉孝威驄馬驅云犀羈玉鏤鞍寶刀金錯鞘
古樂府

白銀鞍

天馬白銀鞍
李白詩

繞朝鞭

莫道詞人無膽氣臨行將贈繞朝鞭
李白詩

寫鞚

揚鞭動柳色寫鞚春風生上

馬腦勒

邢子才冬日詩朝驅馬腦勒夕銜熊耳杯

許公缺轡

雲定興附會宇文述為述製馬轡於後角上缺方二寸以露白色輕薄者爭効之謂為許公缺轡

紫馬蒲

三齊記蒲臺在城南始皇所頓處在臺下縈蒲繫馬今蒲猶有縈者

王良執靶

王良執靶韓哀附輿選賦

燈燭門

九光燈

漢武祈王母於宮中燃九光九微之燈

官燭

後漢巴祇與客暗飲不燃官燭

金枝

金枝中樹廣樂四陳金枝燈也

顏延年詩

朱火

朱火青無光蘭膏坐自凝言寒氣迫之朱火燈也

選張

茂先詩

桂燭

李義山詩褰帷桂燭殘

簾押

李義山燈詩影隨簾押轉蕭貫曉寒歌云海牛押簾風不入

紫桂樓

李義山燈詩暄明紫桂樓

銀龍

蕭放詩銀龍銜燭爐金鳳起爐煙

鳳膏燭

漢武帝燒鳳膏為燭以照神壇吳融詩云鳳膏還向日
中焚

篝火 音鈎

篝火籠也 見漢書陳勝傳

密龕燈

遠聞疎牖磬曉辨密龕燈 選詩

常蒲燈

長安巧工丁僕為常蒲燈七龍五鳳雜以芙蓉蓮葉捧

承之狀

缸花

李賀十月詞玉壺銀箭稍難傾缸花夜笑凝幽明珠惟
穩臥不成眠金鳳刺衣著體寒長眉對月關彎環

綠桂膏

拾遺記燕昭王取綠桂膏燃之照夜

密焰

傅咸燈賦金枝密焰已流芳

然蜜

香添然蜜氣雜燒蘭

庾信燈賦

冰荷

穆王列璫膏之燭覆冰荷不使光遠荷出冰壺火不能

鎔拾遺記

折塋

管子左手執燭右手折塋亦作即燭頭燼也

西明夫人

西明夫人長明燈也亦謂之長明公異聞集

巽生蛾郎

紅裳女子曰巽生蛾郎不復為暴矣上

燭垂細酒

燭垂細酒香空輕塵選賦

密炬一作蜜

密炬千枝爛李賀

似流螢

山花如綉頰江火似流螢

李白詩

仙人燭

仙人燭木似梧桐其皮枯剝如筒挂以為燭可延數十刻

鏡門

梳篋附

紅鏡

李賀六月詞裁生羅伐湘竹帔拂疎霜簾秋玉炎炎紅鏡東方開暈如車輪上徘徊啾啾赤帝騎龍來

地鏡

玄中記尹壽作地鏡圖云欲知寶所在以大鏡夜照見影若光在鏡中者物在下

鍊形神治

鳳州遁跡山有郭家崖景德元年有軍人楊起忽入一洞穴得一鑑圍五寸背鑄水族回環三十二字銘曰鍊形神治瑩質良工當眉寫翠對臉傳紅如珠出匣似月停空綺窓繡幌俱涵影中云洞中有石臺三所鑑架一座

忽取鑑俄聞其後有風雨聲鑑在懷中匣已碎矣

淪玉鏡

秦帝淪玉鏡留侯降氣氲李白詩

金鵲鏡

明明金鵲鏡了了玉臺前又云影中金鵲飛不滅臺下

青鸞思獨絕

上

囊橐門

橐中裝

陸賈使南越王佗賜賈橐中裝直千金

輕橐

輕索歸時魯縞薄寒衣縫處鄭綿多

耿緯詩

約齋

約齋輕裝也

褚中

鄭賈人將真荀蠡於褚中而出出左傳白氏六帖云囊滿褚中弓亡楚地

金平脫

金平脫裝具貴妃以賜安祿山

盤車囊

漢書盤車囊者佩在腰間亦謂之印囊

笠門

葵笠


貴州圖經云郡有葵可以為笠謂之葵笠

青黛笠

觀松青黛笠 元稹詩

臺笠

詩臺笠緇撮箋云臺夫須也都人之士以臺皮為笠



海錄碎事卷五